

Na osnovu člana 69. stav (1), člana 70. i člana 72. stav (2), Zakona o visokom obrazovanju ("Službene novine Kantona Sarajevo", broj: 36/22), te člana 104., 110. i 111. Statuta Univerziteta u Sarajevu (broj: 01-1093-3-1/18 od 28.11.2018. godine) i Odluke Vijeća Univerziteta u Sarajevu-ArHITEKTONSKOG fakulteta (broj: 04-01-566/1-23 od 15.05.2023. godine), Vijeće Univerziteta u Sarajevu-ArHITEKTONSKOG fakulteta, objavljuje

JAVNI KONKURS
za izbor dekana (rukovodioca organizacione jedinice)
Univerziteta u Sarajevu-ArHITEKTONSKOG fakulteta
za mandatni period 2023. – 2027. godine

I

Za dekana (rukovodioca organizacione jedinice) Univerziteta u Sarajevu-ArHITEKTONSKOG fakulteta može biti izabran kandidat koji treba da ispunjava sljedeće uvjete:

1. da je u radnom odnosu sa punim radnim vremenom na Univerzitetu u Sarajevu-ArHITEKTONSKOM fakultetu;
2. da je iz reda akademskog osoblja izabranog u nastavno zvanje redovnog ili vanrednog profesora na Univerzitetu u Sarajevu-ArHITEKTONSKOM fakultetu;
3. da nije predsjednik ili član Upravnog odbora Univerziteta u Sarajevu;
4. da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa;
5. da nije osuđivan za krivično djelo ili da se protiv istog ne vodi krivični postupak.

Dekan (rukovodilac organizacione jedinice) se bira na mandatni period od četiri godine, sa mogućnošću još jednog uzastopnog izbora.

II

Uz svojeručno potpisanu prijavu na javni konkurs zainteresirani kandidati dužni su priložiti:

1. Biografiju (CV) sa bibliografijom (opis naučnog/umjetničkog i stručnog rada);
2. Program rada za mandatni period (štampana i elektronska forma);
3. Odluku o izboru u nastavno zvanje redovnog ili vanrednog profesora (posljednji izbor u nastavno zvanje) na Univerzitetu u Sarajevu-ArHITEKTONSKOM fakultetu;
4. Potvrdu da je u radnom odnosu s punim radnim vremenom na Univerzitetu u Sarajevu-ArHITEKTONSKOM fakultetu;
5. Potpisane i ovjerene izjave od strane nadležne općinske službe ili notara, kojima kandidat potvrđuje:
 - a) da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa;
 - b) da nije predsjednik ili član Upravnog odbora Univerziteta u Sarajevu;

Kandidati su obavezni potpisati prijavu na konkurs, biografiju sa bibliografijom i program rada za mandatni period.

Kandidati koji ispunjavaju uvjete za izbor dekana (rukovodioca organizacione jedinice), javno će prezentirati ponuđeni program rada na sjednici Vijeća Univerziteta u Sarajevu-ArHITEKTONSKOG fakulteta.

Kandidat koji bude izabran dužan je dostaviti:

1. Uvjerenje da nije osuđivan za krivično djelo i da se protiv istog ne vodi krivični postupak;
2. Ovjerenu izjavu da se na istog ne odnosi član IX. stav (1) Ustava Bosne i Hercegovine.

III

Konkursna dokumentacija se dostavlja u originalu ili ovjerenoj fotokopiji.

Prijave sa potrebnom dokumentacijom sa naznakom "PRIJAVA NA JAVNI KONKURS ZA IZBOR DEKANA (RUKOVODIOCA ORGANIZACIONE JEDINICE) - NE OTVARAJ, OTVARA KOMISIJA", mogu se dostaviti lično (kancelarija broj: 34) ili preporučenom poštom, u zatvorenoj koverti na adresu: UNIVERZITET U SARAJEVU-ARHITEKTONSKI FAKULTET, Patriotske lige broj 30, 71 000 Sarajevo.

IV

Konkurs se objavljuje u dnevnom listu "Dnevni avaz", web stranici Univerziteta u Sarajevu-ArHITEKTONSKOG fakulteta www.af.unsa.ba i na web stranici Univerziteta u Sarajevu www.unsa.ba.

Rok za prijavu je 15 dana od datuma objavljivanja konkursa.

Nepotpune i neblagovremene prijave neće se uzimati u razmatranje.

Konkursna dokumentacija neće se vraćati.